



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CXLVI. Decreta pro Limana Provincia in Indiis Ordinis Beatæ Mariæ de
Mercede Redemptionis Captivorum stabilita.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Confirmat præinsertum Decretum.

1663. Episcopus Sabinensis Cardinalis Ginettus.

Decretum irritans.

§. 2. Cum autem, sicut pro parte præfatorum Francisci de la Rosa, & Joannis à Conceptione Procuratorum Generalium, Nobis subindè expositum fuit ipsi Decretum hujusmodi pro firmiori illius subsistentia, & observatione Apostolicæ confirmationis nostræ robore communiri summoperè desiderent: Nos specialem ipsis exponentibus gratiam facere volentes, & eorum singulares personas à quibusvis excommunicationis, suspensionis, interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodate existunt, ad effectum præsentium dumtaxat consequendum harum ferie absolventes, & absolutas fore censentes. Supplicationibus eorum nomine Nobis super hoc humiliter porrectis inclinati. Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus; salva tamen semper in præmissis auctoritate præfata Congregationis Cardinalium.

Contrariis derogat.

§. 3. Decernentes easdem præsentibus litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissimè suffragari, & ab illis respectivè observari. Sicque in præmissis per quoscumque Judices ordinarios, & delegatos, etiam Causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Transumptorum fides.

§. 4. Non obstantibus Constitutionibus, & ordinationibus Apostolicis, necnon quatenus opus sit, dictorum Ordinum etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè & sufficienter expressis habentes, illis aliàs in suo robore permanens, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Dat. P. An. 9. die 30. Oct.

§. 5. Volumus autem, ut earumdem præsentium litterarum transumptis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides adhiberetur in judicio, & extra, quæ præsentibus ipsis adhiberetur si forent exhibitæ, vel ostensæ.

Datum in Arcæ Gandulphi Diœcesis Albanensis, sub Annulo Piscatoris die 30. Octobris 1663. Pontificatus nostri Anno nono.

CXLVI.

Decreta pro Limana Provincia in Indiis Ordinis Beatæ Mariæ de Mercede Redemptionis Captivorum stabilita.

Edita An. D. 1664.

ALEXANDER PAPA VII.

Ad futuram rei memoriam.

Supplicatio.

EXponi Nobis nuper fecit dilectus filius Franciscus de la Rosa Procurator Generalis Ordinis Fratrum Beatæ Mariæ de Mercede Redemptionis Captivorum, quod pro Provincia Limana in Indiis dicti Ordinis ad hoc ut promovendi, ad præsentaturæ, & Magisterii gradus, & virtute conspicui, & literis satis superque condecorati sint, statutum fuit, quod nullus ex Fratribus Provinciæ, & Ordinis hujusmodi ad præsentaturæ, & Magisterii gradus promoveri possit, nisi prius infra scriptas condiciones adimpleverit, &

secundùm eas qualificatus existat. Videlicet.

§. 1. Ut nullus ad præsentaturæ de lectura lauream exponatur, qui non legerit ultra tres annos Logicæ, & Philosophiæ duos alios annos Theologiæ Scholasticæ assistente conferentis, & aliis actibus pro Magistris designandis; idque non ubique locorum, sed tantum in aliqua Universitate approbata, vel in aliquo conventu ejusdem Ordinis studii, literariisque exercitationibus deputato; Post hæc, ut de eorum sufficientia constet, in Collegio Sancti Petri Nolasco Limano nuperrimè ædificato sequentibus actibus litterariam reducat ad trutinam: Semel sed publicè conclusiones defendens (ad semihoram præmissa præfatione à quatuor Magistris proposita argumenta dissolvat.) Deinde per horæ spatium punctum, ex sententiarum Magistro desumptum, quod ante viginti quatuor horas sibi fortè contigerit, elucidet, & sententiam propositam impugnantibus quatuor Magistrorum telis obstat.

Tunc examinatores ad rem dijudicandam electi (præmissis in Rectoris manibus fidelitatis juramento, nempe, nec se directè, nec indirectè Præsentaturæ candidato suggestisse; Argumento, nec se, nisi benemeritum, & dignum approbaturus) secreto ferant calculum, & faventibus pluribus suffragiis Rector ad prolisæ, seu Licentiatum gradum evectat, quibus capax evadet præsentaturæ de numero Provinciæ: Et nemo ad prædicta suffragia admittatur, quin prius de materia sibi à forte præscripta, saltem per tres horæ quadrantes disseruerit.

Insuper, & Examinatores ad hanc functionem nominandi sint Magistri de numero, Universitatis Cathedralis Ordinis prædicti, Regens præfati Collegii, & Primarius Lector, quibus Collegii Rector uti Præses assistat. Deinde: ut his tantum de Prædicatorum Præsentatura benemeritis habeatur, qui decem annis alicujus Domus Conventualis Concionator speciali rescripto assignatus, triplicis Quadragesimæ feriis cum approbatione verbum Dei prædicaverit? quo tempore transacto in Collegio prædicto concionetur semel per unam horam de Evangelio, & materia sortita per viginti quatuor horas antecedentes, quo finito ad suffragia admittatur eadem forma, & eisdem supra relatis Examinatoribus approbandus. Postremò, ut qui in dicta Provincia Magisterii laureola condecorandi fuerint, prius lecturi sint quotidie unam Theologiæ Scholasticæ lectionem per trium annorum spatium supra illos quinque ad præsentaturam requisitos: Probationes autem, & Informationes Lectorum in Capitulo Provinciali, & faciendæ, & approbandæ sint, ac in Collegio (præter ea quæ ad Licentiatum gradum obtinendum effecerat) viginti quatuor horis antecedentibus per semihoram leget punctum super Scripturam Sacram sortitum, & per spatium alterius semihoræ duorum Magistrorum oppositis argumentis obstat; Quibus peractis ad suffragia admittatur, & numerosiori Examinatorum calculo approbatus à Rectore Collegii ejusdem Magister eligatur, quo præcedente gradu, ad gradum Magistri de numero dignus judicetur.

§. 2. Cum autem sicut eadem expositio subjungebat præmissa omnia uti iusta, & rationi consona Dilectus filius Magister Generalis dicti Ordinis approbaverit, & confirmaverit: Firmiora verò, & validiora sint illa, quæ hujus Sanctæ Sedis patrocinio roborantur: Nobis propterea dictus Franciscus Procurator Generalis humiliter supplicari fecit, ut in præmissis opportunè providere, & ut infra indulgere de benignitate Apostolica dignaremur.

§. 3. Nos igitur ipsum Franciscum Procuratorem Generalem specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis

Sequitur Decreta.

Confirmat præinserta Decreta.

senten-

sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium, negotiis, & Consultationibus Episcoporum, & Regularium Præpositorum, qui præinsertas ordinationes, & dispositiones maturè considerarunt, consilio, eisdem ordinationes, & dispositiones auctoritate Apostolica tenore præsentium approbamus, & confirmamus, & in posterum vim statuti in præfata Limana Provincia habere decernimus; salva tamen semper in præmissis auctoritate Congregationis eorundem Cardinalium.

Decretum
irritans.

§. 4. Decernentes pariter easdem præsentibus litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore spectabit inviolabiliter observari, sicque in præmissis per quoscumque Judices ordinarios, & delegatos, etiam Causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Contrariis
derogat.

§. 5. Non obstantibus Constitutionibus, & Ordinationibus Apostolicis, necnon quatenus opus sit Provinciae, & Ordinis præfatorum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes illis alias in suo robore permanentibus, ad præmissorum effectum hac vice dumtaxat specialiter, & expressè derogamus. Cæterisque contrariis quibuscumque.

Dat. P. An. 9.
die 18. Febr.

Datum Romæ apud Sanctam Mariam Majorem sub Annulo Piscatoris, die 18. Februarii 1664. Pontificatus Nostri Anno nono.

CXLVII:

Super observatione Indici Librorum prohibitorum noviter impressi.

Dubia Indici librorum prohibitorum decidit Congr. erecta à Sixto V. in Constit. 74. Congregat. 7. Indici librorum prohibitorum Regulas inviolabiliter observari præcepit Clem. VIII. Constit. 36.

Edita An. D.
1664.

ALEXANDER PAPA VII.

Ad perpetuam rei memoriam.

Exordium.

Speculatores Domus Israël, quæ est Sancta Dei Ecclesia, inscrutabili Divinæ providentiæ arcano constituti, pastorem vigilantiam nostram avertendis imminenti bus gregi Dominico periculis peculiari studio jugiter adhibemus, ne oves pretioso Salvatoris, & Domini Nostri JESU Christi sanguine redemptæ seducantur à via veritatis, sed illam insistentes sub salutari doctrinæ directione, ad æternæ beatitudinis metam felici cursu gradiantur.

§. 1. Cum itaque ad ejusdem Ecclesiæ gubernationem præcipuum sit in ordinandis moribus, & castiganda doctrina momentum, quod ab altero purum fidei lumen existat, ab altero operum recitudo: Sedes Apostolica præclarè intelligens homines legendo, tam quæ erudenda, quam quæ faciendæ sunt, optimè discere magnam in primis in librorum selectu constituendo adhibet, semperque adhibuit diligentiam, quo mali à bonis, noxi ab innoxii discernentur, nonniam signatis

Auctoribus, & scriptis, à quibus Christi fideles abstinere deberent.

§. 2. Quam in rem Venerabiles fratres nostri S. R. E. Cardinales Indici librorum prohibitorum & expurgandorum præpositi non solum sua spontè, & pro muneris sibi injuncti ratione, sed etiam speciali mandato nostro attentius incumbentes; cum animadverterint, post Indicem librorum prohibitorum à secl. rec. Clemente PP. VIII. prædecessore nostro editum juxta formam alterius Indicis, qui Sacrosancti Concilii Tridentini auctoritate prodierat, quamvis multi libri tam à successoribus prædicti Clementis Romanis Pontificibus, quam ab eorundem Cardinalium Congregatione prohibiti, illorumque Auctores damnati fuerint, nullum tamen Catalogum ordinatum, atque distinctè libros prohibitos, & Auctores damnatos hujusmodi completentem publica auctoritate fuisse confectum, magnamque proinde in hac materia oriri perplexitatem, quæ in dies major futura est, nisi opportunè provideatur.

§. 3. Ideo Nos difficultati inveniendæ hac in re veritatis occurrere cupientes, post maturam & diligentem deliberationem, cui nonnulli ex præfatis Cardinalibus ad res accuratius dispiciendas præpositi fuerunt, decrevimus in primis deveniendum esse ad novi Indicis confectioem, quo non solum libri post novissimum Clementis prædecessoris Indicem prohibiti, aut alias confixi, verum etiam in Superioribus, quos diximus catalogis descripti continerentur. Deinde quoad ordinem in disponendis auctoribus, & materiarum nominibus solum litterarum Alphabeti seriem esse deinceps observandam, omiſsa nunc trina illa in Classes distributione, quæ licet ab initio laudabiliter esset instituta, usu nihilominus deinde cognitum est, commodiorem adhuc iniri posse in hoc genere rationem, & quæ nullas appendicum adjectiones, multiplices alioquin, & implicatas tractu temporis exituras desideratura sit, remque expediat sine ulla legentium in quærendis Auctoribus molestia, præsertim Bibliopolarum, quibus ut facilis, & explicata sit hujus Indicis tractatio publicè in primis interest, ne ipsi errantes multorum errori causam præbeant.

Dat modum
faciendi no-
vum Indi-
cem.

§. 4. Accedit, quod illa Classum distinctio plurimos non modo vulgares, sed etiam eruditos sæpè decipiebat, dum ex earum ordine confixionis gravitatem æstimandum putabant, quasi severius actum semper videatur cum legentibus anteriorum, quam posteriorum Classium libros, quod tamen secus esse ex ipsa Classum institutione à Concilio Tridentino facta colligi facile potest, ubi cum solum intercedat distinctio inter libros Auctorum vitio, ac demerito, vel perniciosæ doctrinæ, errorumque in eis contentorum ratione damnatos, ac inter præferentes, aut dissimulantes Auctorem, contigit, ut plerique libri ignoti Scriptoris, qui tertiæ Classi assignantur, peiores multo sint quam in prima, aut secunda recensiti, cui falsæ persuasioni, ne perniciosæ in hac materia licentiæ causam præbeat, medendum omninò existimavimus.

§. 5. Quamvis autem ulteriorem Classum distinctionem omitti jusserimus, hætenus tamen observatam retinendam censuimus, ut citarentur in cujusque libri confixione, ubi opus est hujusmodi Classes, & appendices una cum decretis, quibus primum libri confixi fuerunt, quo rei ab initio gestæ series innotescat.

§. 6. Quam etiam ob causam Indices Tridentinum, & Clementinum, una cum suis appendicibus Indici huic generali adiciendos curavimus simulque omnia Decreta ad hæc usque tempora, in hac materia post prædicti Clementis prædecessoris Indicem emanata, ne quid omninò, quod curiosæ fidelium diligentiae prodesse posset, omisum videretur. Quæ omnia cum juxta mentem

Confirma-
tio Indicis.

nostram